




kolektivnim pregovorima. Vi ste i taj poziv za saradnju odbili, što znači da ne prihvatate koeficijente složenosti poslova za članove vašeg Sindikata koje smo predložili, a koje smo preuzeli iz vašeg prijedloga kolektivnog ugovora. Zaista čudi, tako da se pitamo čija prava i interese štiti rukovodstvo Sindikata doktora medicine i stomatologije, svojih članova ili Vlade Kantona Sarajevo.

Kao što vam je poznato oblast zdravstva u Kantonu Sarajevo je jedina oblast koja nema kolektivni ugovor još od februara tekuće godine, a prema sadašnjim zakonskim rješenjima kolektivni ugovor može potpisati reprezentativni sindikat, što je u konkretnom slučaju Sindikat radnika u zdravstvu u Kantonu Sarajevo. Također vam je poznato da Vlada Kantona Sarajevo nije prihvatila prijedlog Kolektivnog ugovora ovog Sindikata već nam je ponudila da potpišemo kolektivni ugovor koji trenutno imamo. Budući da je ovaj Sindikat 2017. godine potpisao Kolektivni ugovor o pravima i obavezama poslodavaca i radnika u oblasti zdravstva za područje Kantona Sarajevo sa neizmjenjenim, odnosno istim koeficijentima koji su važili do tada, te da je 2018. godine potpisana izmjena navedenog kolektivnog ugovora na način da se za sve grupe složenosti poslova koeficijent povećava za dodatnih 0,30, to znači da bi u slučaju prihvatanja prijedloga Vlade Kantona Sarajevo ovaj Sindikat mogao potpisati tekst kolektivnog ugovora koji je potpisao 2017. i 2018. godine, a što bi značilo umanjene koeficijentata doktorima, tako da bi doktor medicine i stomatologije imao koeficijent 3,80, doktor specijalista 4,50 i doktor subspecijalista 4,70. Sindikat radnika u zdravstvu u Kantonu Sarajevo do danas nije prihvatio prijedlog Vlade Kantona Sarajevo već je ostao kod svog prijedloga visine koeficijentata u rasponu od 1,40 do 5,60 (subspecijalistički) koji su urađeni u omjeru doktor specijalista - medicinska sestra 1:2 i omjeru doktor specijalista - radnica na održavanju higijene 1:4.

**Zbog svega navedenog, ovim putem, javno pitamo članove i rukovodstvo Sindikata doktora medicine i stomatologije Kantona Sarajevo da li ili ne podržavaju zahtjeve ovog Sindikata istaknute u kolektivnim pregovorima za potpisivanje Kolektivnog ugovora kojim se, između ostalog, traži koeficijent za doktora medicine i stomatologije 4,60, doktore specijaliste 5,40 i doktore subspecijaliste 5,60.**

**Na kraju pozivamo članove Sindikata doktora medicine i stomatologije Kantona Sarajevo da održimo zajednički sastanak na kojem ćemo vam prezentovati Kolektivni ugovor koji je dostavljen Vladi Kantona Sarajevo.**

  
PREDSJEDNIK  
Prim. dr. Edo Selimić

Dostavljeno:

- Mediji
- Sindikat doktora medicine i stomatologije KS  
(email: [sindikatzdravstvak.ks@gmail.com](mailto:sindikatzdravstvak.ks@gmail.com) i fax: 033 420 904)
- [www.sindikatzdravstvak.ba](http://www.sindikatzdravstvak.ba)
- A/a